

ԱՆՁՆԱԿԱՆ ՏՎՅԱԼՆԵՐԻ ՄՇԱԿՄԱՆ ՀԱՄԱՁԱՅՆՈՒԹՅՈՒՆ

Ես՝ ----- u (անձնագիր՝ ---, տրված՝ --- թվականին, ---ի կողմից) սույնով տալիս եմ համաձայնություն այն մասին, որ «ԷՖԵՍ» ԱՓԲԸ (հասցե ՀՀ, 0033, ք. Երևան, Հր. Քոչարի 35/1, պետական գրանցման համար թիվ 14, ՀՎՀՀ՝ 08261284) (այսուհետ նաև՝ Ընկերություն) իր կողմից «Ապահովագրության և ապահովագրական գործունեության մասին» ՀՀ օրենքով նախատեսված ապահովագրական ծառայությունների մատուցման, դրանց որակը բարձրացնելու, ծառայության նոր առաջարկներ ներկայացնելու, ինչպես նաև դրանց հետ կապված կամ դրանցից բխող անհրաժեշտ գործողությունների իրականացման, այդ թվում՝ ապահովագրական ռիսկերը գնահատելու, ապահովագրավճարի չափերը սահմանելու, հետադարձ պահանջներ ներկայացնելու և/կամ իմ կողմից ներկայացված անձնական տվյալների հավաստիությունը ստուգելու նպատակով հարցում կատարի պետական և տեղական ինքնակառավարման մարմիններին, այլ անձանց և կազմակերպություններին և նրանց տնօրինության տակ գտնվող բազաներից, այդ թվում՝ ՀՀ Բնակչության պետական ռեգիստրից, ստանա հետևյալ տվյալները. իմ վերաբերյալ հետևյալ տեղեկությունները՝ ՀՇՀ (չունենալու մասին տեղեկանք), սոցիալական քարտի ցուցիչ/ինդիկատոր, նկար, անուն(ներ) (հայերեն և անգլերեն), ազգանուն, (հայերեն և անգլերեն), հայրանուն (հայերեն և անգլերեն), ծննդյան ամսաթիվ, սեռ, ծննդյան վայրի հասցե, երկրի անուն և կոդ, գրանցման/հաշվառման հասցե՝ երկիր, մարզ/տարածաշրջան, համայնք, փողոց, շինություն, բնակարան, բնակարան, անձը հաստատող փաստաթղթի տեսակ (այդ թվում՝ նախկին), համար, տրման ամսաթիվ, վավերականության ժամկետ, տրամադրող բաժին, քաղաքացիություն, երկրորդ քաղաքացիություն, ծննդյան վերաբերյալ տվյալներ, տեղակայման կոդ, ինչպես նաև հեռախոսահամարները, էլեկտրոնային փոստի հասցեն, ինչպես նաև ինձ պատկանող ավտոտրանսպորտային միջոցի վերաբերյալ ցանկացած տեղեկատվություն:

- Տեղեկացված եմ, որ.
- Ընկերությունը վերոնշյալ տեղեկությունները վերլուծելու, պահպանելու, ուսումնասիրելու և գնահատելու է սույն համաձայնության մեջ նշված նպատակներով: Ընկերությունը պարտավորվում է իմ անձնական տվյալները չմշակել իր կողմից ինձ մատուցվող ծառայությունների հետ չկապված, սույն համաձայնությամբ չսահմանված այլ նպատակներով:
 - Իմ անձնական տվյալները հասանելի են լինելու միայն Ընկերության այն աշխատակիցներին, որոնք անմիջապես ներգրավված են ծառայությունների մատուցման գործընթացում, սույն համաձայնությամբ նշված այլ անձանց, ինչպես նաև կարող են փոխանցվել միայն այն կազմակերպություններին, որոնք «Անձնական տվյալների պաշտպանության մասին» ՀՀ օրենքի 14-րդ հոդվածով սահմանված կարգով հանդես են գալիս որպես լիազորված անձինք: Իմ անձնական տվյալները չեն փոխանցվելու երրորդ անձանց՝ բացառությամբ օրենքով, ինչպես նաև սույն համաձայնագրով ուղղակիորեն նախատեսված դեպքերի:
 - սույն համաձայնության մեջ նշված անձնական տվյալների ուղղման, ոչնչացման, մշակման հետ կապված ցանկացած պահանջի վերաբերյալ կարող եմ բանավոր կամ գրավոր դիմել Ընկերությանը կապի ցանկացած հասանելի միջոցով կամ այցելելով Ընկերության գրասենյակ: Ընկերությունը պարտավոր է դիմումում նշված պահանջը կատարել կամ այն մերժելու վերաբերյալ պատճառաբանված գրավոր որոշումը ինձ տրամադրել՝ դիմումը ստանալու օրվանից 5 օրվա ընթացքում:
 - Ընկերության հետ պայմանագրային հարաբերությունների ընթացքում սույն համաձայնությունը հետ կանչելու դեպքում Ընկերությունը պարտավոր է դադարեցնել իմ անձնական տվյալների մշակումը և ոչնչացնել դրանք՝ հետ կանչը ստանալու օրվանից 15 աշխատանքային օրվա ընթացքում, բացառությամբ այն անձնական տվյալների, որոնք անհրաժեշտ են Ընկերության նկատմամբ իմ պարտավորությունների ամբողջական կատարման ապահովման համար կամ որոնց համար օրենքով սահմանվում է տվյալների մշակման ավելի երկար ժամկետ: Այդ դեպքում Ընկերությունը պետք է վկայակոչի օրենքի համապատասխան հոդվածը և տվյալների ցանկը, որոնք օրենքով պարտավոր է ավելի երկար ժամկետով մշակել: Նշված հանգամանքների վերացումից հետո 3 աշխատանքային օրվա ընթացքում Ընկերությունը պարտավոր է բոլոր անձնական տվյալները ոչնչացնել: Սույն համաձայնությունը հետ կանչելու դեպքում Ընկերությունը կարող է դադարեցնել մատուցվող ծառայությունները կամ պայմանագրային հարաբերությունները:
 - Ընկերությունն իրավունք ունի սույն համաձայնության հիման վրա ստացված անձնական տվյալները փոխանցել համապատասխան ծառայություններ մատուցող յուրաքանչյուր ֆիզիկական կամ իրավաբանական անձին, իր գործակալներին, իրականացնել իմ և/կամ շահառուի վերաբերյալ հավուր պատշաճի ուսումնասիրություն (due diligence), կատարել համապատասխան հարցումներ և հավաքագրել տեղեկատվություն, մշակել և օգտագործել ինձ և/կամ շահառուին իր կողմից մատուցվող ծառայությունների վերաբերյալ գովազդային առաջարկներ ներկայացնելու նպատակով:
 - Համաձայնությունն ուժի մեջ է մտնում ստորագրման պահից և գործում է մինչև Ընկերության և իմ միջև առկա ցանկացած հարաբերության դադարումը և Ընկերության նկատմամբ ունեցած պարտավորությունների ամբողջական կատարումը: Սույն համաձայնությունը կարդացել եմ և հավաստում եմ, որ այն ինձ համար ամբողջությամբ հասկանալի և ընդունելի է, որի համար ստորագրում եմ:

Անուն ազգանուն հայրանուն

ստորագրություն

ամսաթիվ

Համաձայնությունը ստացող «ԷՖԵՍ» ԱՓԲԸ ներկայացուցչի ԱԱՀ՝

ստորագրություն